



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CCXXIX. De Edicis, aliisque gestis per Magistratus Sæculares adversus  
Decr. extensionis Sancti Greg. PP. VII. ad universos Christifideles, qui ad  
horas canonicas tenentur.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



pœnas aduersus similia perpetrantes in memoratis Ordinis, & Apostolicis Constitutionibus, nostrisque literis contentas, & expressas, quas salvas, & firmas esse volumus, auctoritate Apostolica harum ferie prohibemus, & interdici-mus. Dantes Definitorio eiusdem Capituli generalis plenam, ac liberam facultatem excludendi ab eiusmodi voto, siue suffragio in ipso Capitulo Generali ferendo quotquot hanc nostram prohibitionem quomodolibet transgressos fuisse compererit.

Clausula.

§. 3. Ac decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit, inuolabiliter observari, sique in præmissis per quoscumque Iudices ordinarios, & Delegatos, etiam causarum Palatii Apostolici Auditores iudicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus Apostolicis, nec non quatenus opus sit dicti Ordinis, etiam Juramento, confirmatione Apostolica, aut quavis firmitate alia roboratis statutis, & consuetudinibus; privilegijs quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub annulo Piscatoris die XII. Decembris MDCCXXIX. Pontificatus nostri anno Sexto.

CCXXIX.

Declarantur nulla Ediçta, aliaque gesta per Magistratus, seu Officiales, & Ministros seculares aduersus Decretum extensionis S. Gregorii Papæ VII. ad universos Christianos, qui ad horas Canonicas tenentur a SS. D. N. Benedicto XIII. nuper editum, cum illorum omnium revocatione, cassatione, & abolitione.

*Alias hujus Const. ed. 1729. Dec. 6. P. 6. revocate fuerunt & annullate quedam ordinationes super eadem re Episcopi Montispefulani.*

Dat. 19. Dec. 1729. An. 6.

BENEDICTUS PAPA XIII.

*Ad perpetuam rei memoriam.*

Nonnulla Ediçta a Ministris secularibus aduersus prædictum Decretum emanata narrantur.

§. 1. CUM ad aures nostras pervenerit, nonnullos Magistratus, seu Officiales, & Ministros seculares quibusdam Ediçtis, Decretis, Senatusconsultis, Præceptis, Mandatis, aut id genus, alijsve quocumque nomine nuncupatis ordinationibus, seu Provisionibus aduersus decretum extensionis ad universos Christianos, qui ad horas canonicas tenentur, officij S. Gregorii Papæ VII. quod prius ex Indultis se. re. Pauli V. Clementis X., Alexandri VIII. & Clementis XI. Romanorum Pontificum Prædecessorum nostrorum in pluribus jam Christiani Orbis Ecclesijs passim recitabatur, atque publice, & solemniter celebrabatur, a Nobis ad augendum cultum S. Pontificis & Confessoris, qui in extirpandis erroribus, Ecclesiastica disciplina restituenda, & instauranda, corruptisque moribus reformandis strenue, ac indefesse elaboravit, novissime editum, infurrexisse.

§. 2. Hinc est, quod nos ex debito Pastoralis

officij, quod humilitati nostræ, meritis licet, & viribus longe impari, commisit divina dignatio, nostram, & Ecclesiasticam auctoritatem a perniciosi hujusmodi laicorum conatibus illatam, & illibatam tueri, & conservare volentes, necnon omnium, & singulorum, quæ in præmissis, seu eorum occasione quovis modo, acta, & gesta fuerunt, feriem, aliave quacumque etiam specificam, & individuum mentionem, & expressionem requirentia, præsentibus pro plene, & sufficienter expressis, & exacte specificatis habentes, de quamplurium venerabilium fratrum nostrorum S. R. E. Cardinalium consilio, Ediçta, Decreta, Senatusconsulta, Præcepta, mandata, & qualvis alias quocumque nomine nuncupatas ordinationes, siue provisiones per Magistratus, etiam supremos, seu officiales, & Ministros Seculares aut alias a quacumque laicali potestate, ejusque nomine aduersus Decretum extensionis Officij ejusdem S. Gregorii Papæ VII. per Nos sicut præmittitur, editum quomodocumque, & ubicumque, promulgata, & promulgatas, ac quavis alia in præmissis, seu eorum occasione quomodolibet acta, gesta, & ordinata, cum omnibus, & singulis inde secutis, & forsitan quomodocumque secuturis penitus, & omnino nulla, inania, invalida, irrita, & de facto præsumpta, nulliusque prorsus roboris, & momenti esse, & perpetuo fore, Apostolica auctoritate tenore præsentium declaramus.

§. 3. Et nihilominus ad majorem cautelam, & quatenus opus sit, illa omnia, & singula harum ferie itidem perpetuo revocamus, cassamus, irritamus, annullamus, & abolemus, viribusque, & effectu penitus, & omnino vacuumus, ac pro revocatis, cassatis, irritis, nullis, invalidis, & abolicis, viribusque, & effectu penitus, & omnino vacuis semper haberi volumus: sique & non aliter in præmissis per quoscumque Iudices ordinarios, & delegatos, etiam causarum Palatii Apostolici Auditores, ac S. R. E. præfate Cardinales, etiam de Latere Legatos, alijsve quoslibet quacumque præminentia, & potestate suagentes, & functionarios, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari, decernimus, in contrarium facientibus non obstantibus quibuscumque.

§. 4. Ut autem easdem præsentis literæ ad omnium notitiam facilius deveniant, nec quiscumque illarum ignorantiam allegare possit, volumus, ac pariter decernimus, ut illæ ad valvas Basilicæ Principis Apostolorum, ac Cancellariæ Apostolicæ, curiæque generalis in Monte Citatorio, & in Acie Campi Floræ de Urbe per aliquem ex Curforibus nostris, ut moris est publicentur, illarumque exempla ibidem affixa relinquuntur, & sic publicatæ omnes, & singulos, quos concernunt perinde afficiant, ac si univique illorum personaliter notificatæ, & intimatæ fuissent.

§. 5. Utque ipsarum præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud, ubique locorum habeatur, quæ eisdem præsentibus haberetur, si forent exhibitæ, vel ostensæ.

Datum Romæ apud S. Petrum sub Annulo Piscatoris die XIX. Decemb. MDCCXXIX. Pontificatus nostri anno Sexto.

Declaratio nullitatis prædictorum

Abolito, & revocatio-rundem.

Mandatur publicatio harum Literarum.

Fides habenda transumptis.





CCXXX.

Indicatur Beatificatio Servi Dei Petri Forerii de Mataincuria Sacerdotis Lotharingi, Reformatoris Congregationis Salvatoris nostri nuncupatae, Ordinis Canon. Reg. S. Aug.

Alia hujus Const. ed. 1729. Mart. 12. P. 5. indita fuit Beatificatio Servi Dei Fidelis a Sigmaringa.

BENEDICTUS PAPA XIII.

Ad perpetuam rei memoriam.

Dat. 10. Janu.  
1730. An. 6.

Exordium.

Laudemus viros gloriosos, qui in conversatione gentis, non secundum carnem ambulantes sed spiritu facta Carnis mortificantes non solum semetipsos, ac voluntatem suam cum omnibus terrenis desideriis abnegarunt, atque sub suavi regulari disciplina jugo obtulerunt Deo in holocaustum, verum diffusa in cordibus suis charitate, non minus de aliena, quam de propria salute solliciti, viam mandatorum Domini, ac Christianae perfectionis semitam in qua direxerant gressus suos Christi fideles verbo, & exemplo, saluberrimisque praeceptis, & institutis constanter sectari, ac tuto decurrere edocuerunt, feliciterque confecto mortali hujus aevi stadio aeternam reprobationem, ac Justitiae Coronam in Caestis Hierusalem stabilitate accipere meruerunt.

Laudes praedicti Servi Dei.

§. 1. Quos inter cum longe, lateque refulserit Dei servus Petrus Forerius de Mataincuria Sacerdos, Lotharingus, Praepositus generalis, & Reformator Congregationis Salvatoris nostri nuncupatae, Ordinis Canoniorum Regularium S. Augustini, necnon Institutum Monialium Congregationis sub titulo Dominae nostrae, ac Regula ejusdem S. Augustini, digna tanti Parentis sobole, quae quasi arcus refulgens inter nebulas, & quasi flos Rosarum in diebus vernis, Ecclesiam nominis sui celebritate ac spiritalium aromatum odore implevit Apostolici Ministerii, quod viribus licet & meritis longe impares divina dignatione gerimus, ratio postulat, ut illius vultui, & venerationi in terris ad Dei laudem, ipsius Ecclesiae decus, spiritualeque Populi Christiani aedificationem, potestate Nobis a Domino tradita consulamus.

A Congregatione Ratum ad illius Beatificationem devenit post se de more decretum est.

§. 2. Quum itaque mature diligenterque discussis, atque perpenfis per Congregationem Venerabilium Fratrum nostrorum S. R. E. Cardinalium, Sacris Ritibus Praepositorum Processibus, de Apostolicae Sedis licentia rite, & recte confectis, super vitae sanctitate, & virtutibus heroicis, quibus idem Servus Dei Petrus Forerius multipliciter claruisse, necnon miraculis, quae ad ejus intercessionem, & ad manifestandam hominibus illius Sanctitatem a Deo patrata fuisset afferbantur, & subinde auditis per nos de more eorundem Cardinalium, ac etiam hujus Congregationis Consultorum suffragiis, assidueque, ac humilibus precibus implorato prius superni luminis auxilio alias decreverimus praedictum servum Dei Beatum cum solitis indulgentis declarare.

Preces Imperatoris, & Ducis Lotharingiae.

§. 3. Hinc est, quod Nos piis, atque enixis Charissimi in Christo filii nostri Caroli Hispaniarum Catholici, & Romanorum Regis in Imperatorem electi, ac dilecti filii nobis Juvenis Francisci Lotharingiae, & Barri Ducis, & dilectae pariter in Christo Filiae nobilis Mulieris Carolae Elisabethae a Francia Lotharingiae itidem, & Barri Ducissae Viduae, necnon Venerabilium Fratrum Episcoporum Tullensis, & Virduensis, dilectorumque filiorum totius Cleri, & Populi Ducatum Lotharingiae, & Barri hujusmodi, ac universi Ordinis Canoniorum Regularium S. Augustini, praecipue vero dictae Congregationis Salvatoris nostri, ac insuper Monialium memoratae Congregationis sub titulo Dominae no-

strae supplicationibus Nobis super hoc humiliter porredis paterna benignitate annuentes, auctoritate Apostolica tenore praesentium indulgemus, ut idem Servus Dei Petrus Forerius in posterum Beati nomine nuncupetur, ejusque corpus, & Reliquiae venerationi Fidelium (non tamen in processibus circumferenda) exponantur, Imagines quoque radiis, seu splendoribus exornentur, ac de eo recitetur Officium, & Missa celebretur de Confessore non Pontifice singulis annis juxta Rubricas Breviarii, & Missalis Romani, die VII. Julii cum dies IX. Decembris, qua ipse Servus Dei Spiritum Creatori reddidit, & aliae plures illam subsequentes, ut notum est, impeditae reperiantur. Porro recitationem Officii, ac Missae celebrationem hujusmodi fieri concedimus in Locis dumtaxat infrascriptis; videlicet in Oppido Mirae Curiae Tullonenfis Diocesis, in quo dictus Servus Dei natus est in Monasterio, seu Abbatia de Calmusiaco, Callice, Chaumoussii, ubi habitum praefati Ordinis Canoniorum Regularium suscepit, professionemque Regularem emisit in Oppidis Mataincuriae ejusdem Tullensis Diocesis in quo Curam Animarum obivit, ejusque Venerabile Corpus requiescit, seu depositum reperitur, & Gratii in Comitatu Burgundiae, unde ad Caelos evolavit, & ubi Corillius asservatur, ac Lunavillae, ubi prima susceptae reformationis fundamenta jecit, ab omnibus utriusque sexus Christianis fidelibus tam saecularibus, quam Regularibus, qui ad horas Canonicas tenentur, necnon in universa Congregatione Salvatoris nostri, ac Ecclesiis, sive Capellis, vel Oratoriis Congregationis Monialium sub Tit. Dominae nostrae, quas idem Dei Servus reformavit, ac respective instituit, sicut praemittitur, & quantum ad Missas attinet etiam ab omnibus Presbyteris, ad Ecclesias, in quibus Festum peragetur, confluentibus. Praeterea primo dumtaxat anno a datis hisce literis, & quo ad Indias a die, quo eadem litera illuc pervenerint inchoando, in Ecclesiis Oppidorum Monasterii, seu Abbatiae, ac utriusque Congregationis hujusmodi solemnitas Beatificationis ipsius Servi Dei, cum Officio, & Missa sub ritu duplici majori, die ab Ordinariis gratiam, & Communionem Sedis Apostolicae habentibus respective constituta postquam tamen in Basilica Principis Apostolorum de Urbe celebrata fuerint eadem solemnitas; pro qua re diem XXIX. currentis Mensis Januarii assignamus, pariter celebrandi facimus potestatem.

Indulgentur quaedam ad eundem cultum.

Solemnitas Beatificationis indicuntur.

Clausula.

§. 4. Non obstantibus Constitutionibus, & Ordinationibus Apostolicis, ac Decretis de non cultu editis, ceterisque contrariis quibuscumque.

Fides habenda transumptis.

§. 5. Volumus autem, ut praesentium literarum transumptis, seu exemplis, etiam impressis manu Secretarii supradictae Congregationis Cardinalium subscriptis, & sigillo Praefati, seu Pro-Praefati ejusdem Congregationis munitis, eadem prorsus fides ab omnibus, & ubique tam in judicio, quam extra illud habeatur, quae ipsis praesentibus haberetur, si forent exhibitae, vel ostensa.

Datum Romae apud S. Petrum sub Annulo Piscatoris die decima Januarii MDCCXXX. Pontificatus nostri Anno Sexto.

Confirmatur Decretum Congregationis Episc. & Regul. super augmento vocalium Provinciae S. Didaci Mexican. Ord. Min. S. Francisci de Observantia Discalceatorum.

CCXXXI.

Alia hujus Const. ed. 1729. Sept. 30. P. 6. confirmatum fuit quoddam decretum in favorem Vocalium Indiarum Occidentalium.